

Gymnophorus

lunulatus

891.710
4-80



100

30 MAY 2011

891.71.8

4-80

Այ

Ե. ԿՈՒԼՈՎ

108

ԱՐԱԿՆԵՐ

ՊԵՏԱԿԱՆ

1938

ՅԵՐԵՎԱՆ

24 MAY 2013

3868



ՀԱՄԵՐԳ

Պիկ, պիկ,
Մեծ ծաղրածու մի կապիկ,
Եղ,
Այծը

Յեզ ել արջը ծուռ թաթիկ—
Ուզեցին տալ մի համերգ.
Իսկույն ընկան վոտ ու ձեռք,
Թե վնասեղից, հազիվ-հազ
Գտան բերին նոտա, բաս,
Ալտա, յերկու հատ ջութակ,
Նստան հովտում, ծառի տակ
Գերել իրենց բուն ձիրքով
Արար-աշխարհ բովանդակ:

Ճըզը, վըզը, խըզի, խփոց,
Կընտ, կընտ, կնտնտոց...
Բան դուրս չեկավ համերգից.
Պիկպիկն եղտեղ դուրս շարքից.
—Ե՛, մեր տղերք... Ե՛, դադար,
Սա ի՞նչ գործ ե կեսկատար.



Յեկեք ճիշտ կարգ հաստատենք,
Այնպես նստենք՝ վիստվիստենք:
Միխո, ալտի դեմ բասով,
Միայն վիստ, վիստ հավասով
Յես ել յերկրորդ ջութակի.
Ճիշտը, առանց կատակի
Այս ե, պար-պար հավասար
Պար կը ունեն անտառ, սար:

Նրանք յեղան տեղափոխ,
Բայց համերգն ե անփոփոխ,
Նորը՝ դարձյալ
Հինն ե անցյալ:

Տղերք, հերիք...
Քթից բերիք, —
Եշ զուաց. —
Քիչ սպասեք,
Ուղեմ ձեռաց
Յես իմ գտած հնարքով. —
Պիտի նստենք մի շարքով:
Լսելով եշ քեռուն՝
Անուն, անուն
Մեծի կարգով
Շարվան շարքով
Լուրջ... վայելուչ, —
Գործն ելի փուչ:
Խմբի մեջ կոիվ, վեճ,

Ծուլի, ծուլի.
Առաջվանից ել ավելի
Վեճը խիստ ել—
Ով վննց նստեր:
Պատահեց սոխակին
Ներկա լինել աղմուկին:
Նրանք չորսով
Աս ու խոսով
Յեկան աղաք,
Ասին՝ սոխակ,
Դու մեզ ների,
Քիչ համբերի,
Մեր ես գործը կարգի՞ դիր
Մեր կասկածը փարատիր:
Նոտա ել կա և չորս գործիք ջոկ-տարբեր,
Միայն ասա ինչպես նստենք, մեր ախպեր:
Սոխակը թե՝ ասեմ ճիշտ—
Վոր դուք դառնաք յերաժիշտ,
Զեղ պետք ե ձիրք, նուրը ականչ—
Մի հասարակ, պարզ պահանջ:
Իսկ դուք, իմ բարեկամներ,
Հիմա և այլ անգամներ
Ինչպես ել վոր չնստեք,
Քաշեք, քսեք, քսմատեք,
Դուք յերաժիշտ դարձող չեք:

ԳԱՅԼՆ ՈՒ ԿՌՈՒՆԿԲ

Վոր գայլն ե ազահ—
Եղ մասին խոսք կա.

Գայլն ուտելիս
Վոսկորն ել ե կուլ տալիս:
Վայն յեկավ գայլի մեկին,
Վոսկորը կանգնեց բկին.
Քիչ եր մնում նա խեղղվեր,
Ես աշխարհից միշտ գաղթվեր:

Բայց բախտից մի կռունկ կը ո...
Դեպի ծառը յեկավ թը ո...
Նշաններով գայլը նրան
Խնդրեց, վոր գա փրկի իրան:

Կռունկն յեկավ։ Քթիցը վիզ
Սուր կտուցը մի քանի թիզ.
Գայլի բկով վոր ներս խոթեց,
Վոսկորն հանեց, դեն շպրտեց.
Հետո խնդրեց աշխատավարձ։

—Սա կատակ չի, ես ինչ հարց,
Նենդ գազանն ե մոնչում,
—Այ, ապերախտ կույր թոշուն,
Հիմար, անմիտ,



Են հերիք չի, վոր քիթ ու ճիտ
 Հիմար գլխով տեղովս ամբողջ,
 Վողջ և առողջ
 Կոկորդիցս դուրս քաշեցիր,
 Վերջն ել, մի տես, ինչ հիշեցիր:
 Զքվի... ել ինձ չհանդիպես...
 Թե չե սկից սև կկապես:

ԿԿՈՒՆ ՅԵՎ ԱՓԼՈՐԸ

— Զնաշխարհիկ

Իմ աքլորիկ,
 Զայնդ զիւ-զիւ
 Վոսկի ծիւ-ծիւ.
 Յերգերիդ մեջ
 Բյուր յելեց:

— Կկուն քուրիկ,

Հուրիկ, բուրիկ,
 Բո ձայնն ել ե
 Լավ գեղգեղում,
 Ծոր ե տալիս
 Ու մղմղում:

Յերգ եմ լսել

Յես շատ ու քիչ,
 Բայց չեմ տեսել

Բեզ պես յերգիչ:

— Իմ բնատուր

Վոսկեփետուր,

Կուզեմ

Լսեմ

Զայնդ անսպառ,
 Միշտ, անդադար:

— Պուճպուճուրիկ

Մի պուտ ջրիկ

Կկուն քուրիկ,

Յերգվում եմ յես՝

Վոր լուսմ ես

Եսշափ պուճուր,

Սպասելով

Իմ աչքերը

Կտրում են ջուր.

Վորտեղից ե

Բեզ եղանակ ձայն,

Մաքուր, քնքուշ

Ու գնգնգան:

Դուք եղանակ եք

Ամբողջ ցեղով.

Մի բուռ բան եք

Թեև տեղով,

Բայց ձեր յերգը

Շատ հաջողակ,

Զունի, չունի

Վոչ մի սոխակ:

—Գոհ եմ քեզնից,
Զիվան աքլոր,
Խղճով ասենք,
Դու միալար
Լավ ես յերգում
Դրախտահավից,
Թռչունների
Լավի լավից,
Վողջ աշխարհը
Խոսքիս վկա,
Քեզ պես յերդիչ,
Չկա, չկա:

Եղտեղ ծիտը,
Ծիտիկ-միտիկ,
Ասավ—Հլա
Սրանց մտիկ,
Ի՞նչ լավ գիտեն
Իրար յեղել,
Ասա՝ թողին
Պակաս տեղ ել:
Ե՛, լավ, հերիք
Իրար գովեք,
Աշխարհ գիտե,
Թե դուք ով եք,

ԿԱՊԻԿՆ ՈՒ ԱԿՆՈՑՆԵՐԸ

Ծերացել եր կապիկը,
Լավ չեր տեսնում պապիկը.
Բայց հասել եր ականջին,
Թե արատ ե դա չնչին,
Պիտի գնել լոկ ակնոց:
Գնաց, ճարեց մի կապոց...
Ակնոցները, հինգ թե վեց,
Ես կողմ, Են կողմ շուռ տվեց.
Մին դնում եր նա գլխին,
Մին ել պոչի մեջտեղին,
Մին լիզում եր թքոտում,
Մին ել սրբում, հոտմտում
Հա փորձում եր, հա փորձում...
Ակնոցները չեն գործում,
Են պսպղուն ապակին
Լույս չի տալիս պապիկին:
—Կորչեն, —գոռաց— ջուխտ ու կենտ...
Նա յե հիմար, նա յե խենթ,
Ով լսում ե շատ-շատին,
Մարդկանց հազար մի ստին:
Սրանց մասին,
Ինչ վոր ասին՝
Առւտ ե, սուտ,
Ես ապակին


Խավար աչքին
Ի՞նչ ոգուտ:

Յեկ սրտնեղած ակնոցները
Ենպես շփեց չոր քարին,
Վոր ջուր կտրած ցալտունները
Կանաչ-կարմիր կապեցին:

ԳԱՅԼՆ ՈՒ ԿԱՏՈՒՆ

Գայլն անտառից
Փախավ գեղը.
— Նեղն եմ, նեղը,—
Ասավ կատվին,—
Ասլան բալա,
Քո հոր պատվին
Մի ճար արա.
Մի տես հլա՝
Վորսորդ ու շուն
Թազի, թուլա
Միսս են կրծում,
Ինձ հալածում:
Այ կտրվի
Դրանց հոտը,
Մի մարդ ցույց տուր՝
Պահվեմ մոտը:

— Այ ցեղակից,—
Գոչեց կատուն,—



Գնա մտիր
Մարոյենց տուն,
Նա չափազանց
Բարի կին ե:
—Յես ել գիտեմ,
Վոր անգին ե,
Բայց վոր նրա
Հորթն եմ կերել:

—Բկիդ կանգներ,
Լավ չես արել.
Վոր եղակես ե,
Այ ամաշկոտ,
Հովսեփի մոտ:

—Ե, ինչ ասեմ,
Ես ամառը
Նրա գառը...

—Ում ասեմ ել,
Հա, մեր Զաքին:

—Ես գարնան ել
Նրա մաքին...

—Ովկ մնաց ել.
Հա, երեցը:

—Ես աշնանն ել
Նրա եծը...
—Այ դու ուտես

Զոռի մեծը.
 Բանիսն յեղավ...
 Հինգը, վեցը...
 Այ անամոթ,
 Ի՞նչ յերեսով
 Դու գեղ մտար,
 Ի՞նչ ե, ուրիշ
 Տեղ չգտար...
 Գյուղն հիմար ե,
 Վոր թշնամուն
 Պատսպարե:
 Ով ինչ բրթե,
 Են կլսթե:

ԿԱՊԻԿՆ ՈՒ ՀԱՅԵԼԻՆ

Իրեն տեսնելով
 Հայելու միջին,
 Կապիկը վոտով
 Մի բոթեց արջին:
 — Քեռի, սրան տես,
 Սա ով ե... գիտես:
 Ես ի՞նչ ոեխ ե,
 Կնձուտ տրեխ ե,
 Հրեշ ցուցանք,
 Պատիժ, փորձանք:

2246
338

2336
338

Ինձ տեղն ու տեղ
 Կսպանեյի,
 Թե քիչ սրան
 Յես նմանեյի,
 Բայց թե յես ել
 Ինչու հետ եմ,
 Եղանց ցուցանք
 Քշին գիտեմ.
 Թվեմ զատ-զատ...
 Մերոնց մեջ շատ...
 — Քան թե թվես
 Զերոնց զատ-զատ,
 Լավ չե նայես,
 Խելոք, վրադ.—
 Են գարշելուն
 Արջը ասավ.
 Բայց թե խոսքը
 Տեղ չհասավ:

ՓԻՂՆ ՈՒ ՇՆԻԿԸ


Փողոցներով փղին եյին ման ածում,
 Հավանորեն ցուցադրում—
 Հայտնի յե, վոր նորություն ե փիղը մեզ մոտ,—
 Ահա յեկել ու նայում են անզործ մարդիկ:
 Վորտեղից ուր մի չար շնիկ վազեց հերսոտ,
 Տեսավ փղին, հաջեց սաստիկ.



Դես ընկավ, դեն, վեր-վեր ցատկեց ու ճղճղաց,
 Յեվ ուզում եր կոխվ անի բացե ի բաց:
 «Եհ, խայտառակ մի անի քեզ,—
 Ասաց մի շուն,—դու ինչ ես վոր փղին հաղթես.
 Տե՛ս, թե վոնց ես դու խոպտում, բայց իր ճամփան
 Անց ե կենում նա անխափան,
 Քո հաջոցն ել չի նկատում»:
 «Վահ, տնաշեն,—շնիկն ասաց,—
 Յես ել եղքան չարչարվում եմ, ինձ կտրատում,
 Վոր հենց եսպես—կոխվ չարած
 Անուն հանեմ իբրև հայտնի մի կռվարար:
 Թող շներն ել պատմեն իրար—
 Այ, քեզ շնիկ, տեսեք հապա ինչ քաջ ե նա,
 Վոր հաջում ե փղի վրա»:

ՃՊՈՒՌՆ ՈՒ ՄՐՁՅՈՒՆԸ

Թոփ-վոփ
 Մի ճպուռ,
 Վողջ ամառ
 Շուռ ու մուռ,
 Յերգեց, ճոռաց,
 Ճոճուց:
 Մին ել ընը՝
 Զմեռը,
 Փոեց իրա
 Թևերը.
 Բացեց գորգը



Սպիտակ,
Դաշտերն առավ
Զյունի տակ:
Անցան պայծառ
Որերը,
Ել վրբն ասեմ,
Ել վրբ,
Ները ամեն մի
Թփի տակ
Թե սեղան կար,
Թե ոթյակ:
Յեկան որել
Ցրտաշունչ,
Ճպուռն ընկավ
Լուռ ու մունջ.
Քաղցած փորին
Ել ինչ յերգ,
Ցուրտը տարավ
Վոտ ու ձեռք:

Զընդր-զընդր
Դողալով,
Ծանը-ծանը
Սողալով
Նա մըջյունին
Ասում եր.
— Գլխիդ մատաղ,
Սանամեր,




Մի ճար արա
 Շունչ առնեմ,
 Ցրտից, սովից
 Չմեռնեմ.
 Կերակրի',
 Տաքացրու,
 Մինչև գարուն
 Ապեցրու:
 —Ի՞նչ խաբար ե,
 Սանիկս,
 Զարմանում եմ,
 Զանիկս,
 Զաշխատեցիր
 Ամառ,
 Ասա, ի՞նչ եր
 Պատճառը:
 —Եղպես բանի,
 Սանամեր,
 Ել ժամանակ
 Ով ուներ.
 Են խոտերում
 Բուրավետ
 Ցերպում եյնք
 Մերոնց հետ...
 —Ուրեմն դժւ...
 —Այն, յես
 Վողջ ամառը

Դեն ու դես
 Ցերպում եյի
 Մշտապես
 —Ցերպում եյիր...
 Շատ բարի,
 Այժմ ել բռնի
 Վեր-վերի,
 Քամին ծափ տա,
 Դու պարի:

ԳՈՐԾՆ ՈՒ ԿՈՎԸ

Գորտը գորտին ասավ.
 —Քեռի,
 Խնդրեմ ես կողմ
 Մի յետ դառի.
 Տես ուռել եմ,
 Փուքն առել եմ.
 Ուղիղն ասա,
 Կովին հասա՞:
 —Զուր ե, վերջ տուր,
 Կովս ուր, դու ուր...
 —Հիմի, քեռի,
 Ուռա իսկի:
 —Շատ չեն զոռի,
 Նույնն ես, սրակի:



— Մի տես, քեռի:

— Նույնն ես, լոխ.
Աշխարհ կանցնի,
Յեթե գորտը
Կովին հասնի:

— Այ, տես, քեռի:

— Թեկուզ մեռի,
Դու բաց աչքով
Զես դառնա կով:

Գորտը ուռավ,
Փքվեց նորից,
Խիստ փուք առավ,
Ճաքեց զոռից:

Ով վոր փքվի,
Նա կչքվի:

ԱԳՈԱՎՆ ՈՒ ԱՂՎԵՍԸ

Բախտի բերմամբ,
Թե պատահմամբ,
Մի մեծ ագռավ
Մի գունդ պանիր
Դաշտում գտավ,
Կտուցն առավ,
Ծառին թառավ:

Ո՞, ի՞նչ պանիր...
Դեղին վոսկի...
Բայց դեռ չառած
Համը իսկի՝
Աղվեսն անցավ
Ծառի մոտով,
Գերվեց,
Երվեց
Պանրի հոտով:

Վազեց, գնաց
Բերնի ջուրը
Յեկ թուլացան
Կուռն ու ճուռը
Են ժամանակ
Իրա ձեին,
Ծառի տակից
Աշքն ագռավին,
Հեղիկ, նազիկ,
Փափկամազիկ,
Բացեց լեզուն
Անուշմեղուշ,
Թափեց, չափեց
Շաքար ու նուշ:
— Ի՞նչքան լավս ես,
Յես քո գերին,
Քո եղ սեիկ

Վառ աչքերին,
Նուրբ ծալքերով
Զույգ թևերին:
Մի դու մտիկ,
Եղակս քթիկ,
Եղակս ճտիկ.
Մախմուր ագին,
Խաս ու զումաշ
Ատլասն հագին:
Գիտեմ, անշուշտ՝
Իմ քուրիկի
Չայնն ել կըլի
Հրեշտակի:
Յերգի, քուրիկ,
Մի ամաչի,
Իմ ուզածը
Մի մեծ բան չլու
Թե վոր չքնաղ
Եղ տեսքիդ հետ
Յերգելում ել
Յեղար վարպետ,
Ո՞, կդառնաս,
Իմ մաքրուհի,
Թոչունների
Մայր թագուհի:
Ագռավ ազին իրեն տված
Գովեստներից շշմած, ուռած,

Ագուավային
 Բկովը մին,
 Վոր չկուաց՝
 Պանիրն ընկավ ծառիցը ցած,
 Շողոքորթը ոխեց, գնաց:

ԿԱՏՈՒՆ ՈՒ ԽՈՀԱՐԱՐԸ

Մի գըագետ խոհարար
 Ժամ, աղոթքի սիրահար,
 Շատ հոգեվախ, խիղճն արթուն
 Վազեց գնաց գինետուն՝
 Իր սանահոր քելեխին.
 Խսկ պահապան տուն-տեղին
 Դրեց կատվին աչքաբաց
 Յեվ շատ, շատ ել մկնատյաց:
 Գնաց... յեկավ,
 Իր աչքն ընկավ
 Խոհանոցի հատակին,
 Կարկանդակի փշրանքին,
 Խանում, խաթուն
 Տնապահ կատուն
 Տակառի տակ
 Ենպես տաք, տաք
 Վոնց ե խժոռում լավից լավին՝
 Նորատապակ վառեկ հավին.
 — Այ դու ծակաչք, այ դու չտես,
 Եղ հավի տեղ մեծ ցավս ուտես,
 Այ անպատկառ, թու քո պատվին,—



ԹԱԹՈՒԼԻ ՔԱԼԱՃՈՇԵ

Նախատում եր մարդը կատվին,
 (Հսկողն ով եր, հավս համով եր)
 կար ժամանակ,
 Վոր տան միակ
 կատուն եյիլ ազնիվ ու հեղ.
 Հիմա քեզ պես,
 Այ բամբառակ,
 Զկա մեկը խաղք-խայտառակ.
 Վայ թե քիթո հանես շեմքից,
 Բա չեն ասի դուռ ու դրկից՝
 կատուն գող ե...
 Նա վոսոխ ե...
 Ինչպես գայլին չար ու անհագ
 Պետք չի թողնել վոչխարանոց,
 Ճիշտ այնպես ել կատվին տան բակ,
 Վոչ թե միայն տան խոհանոց:
 Այդ զավզակը,
 Ավազակը
 Այս տեղերի,
 Այս թաղերի
 Աղտն ու կեղտն ե
 Վարակ, ժանտախտ...
 (Կատուն լսում, ուտում ե նաղտ)

Այստեղ մեր մեծ բարոյախոս
 Ճարտասանը այնքան դար-փոս
 Գցեց իրեն ու սրնգեց,
 Մինչև կատուն կերավ, ծլվեց:

«Հարևան ջան, հոգիդ սիրես
 Մի քիչ ել կեր, մի ափսոսիր»:
 «Հարևան ջան, շատ կուշտ եմ յես»:
 «Մի ափսե ել. դու ինձ լսիր:
 Շատ համեղ ե քալաճոշը, ինձ հավատա»:
 «Յերեք ափսե կերա արդեն»:
 — «Ինչ խնաք ե դա,
 Թե ցանկություն ունես դու,
 Անուշ արա, վերջացրիւ:
 Ինչ ել լավս ե քալաճոշը բա յերեսին
 Տես սաթի պես յուղը դեղին...
 Դե, սիրելիս, դու իմ խոսքը մի կոտրիր,
 Յուղոտ տեղից դու ընտրիր—
 Կեր մի քիչ ել: Դե, այ կնիկ, պատվիր
 հյուրին»:
 Եսպես պատվում եր Թաթուլն Ոհանին,
 Վոչ հանգիստ տալիս, վոչ ել ժամանակ
 Իր հարևանին,
 Իսկ նա քրտինք եր թափում շարունակ:
 Ճարը կտրած մի ափսե ել վերցրեց նա,
 Ուժը լարեց անխնա,
 Մաքրազարդեց: — «Այ դու կեցցես, դրացիս»:
 Թաթուլն ասաց. — «Տես չեմ սիրում
 գոռող մարդկանց.
 Դե կեր, խնդրեմ, մի ափսե ել, սիրելիս»:
 Խեղճ Ոհանը ահարեկված,

ԹԵԿ շատ եր քալաճոշը նա սիրում,
 Բայց դեռ չեղած մի եսպիսի նեղ տեղում,
 Գլխարկն ու գոտին սեղմեց իր կրծքին
 Յեվ ահը սրտում փախավ եղ տանից
 Ու են որվանից
 Ել վոտք չդրեց թաթուլի շեմքին։

Ա.ՔԼՈՐՆ ՈՒ ՄԱՐԳԱՐՏԻ ՀԱՏԻԿԸ

Աղբակույտը քջջելիս,
 Աքաղաղը մի մարգարտի հատիկ գտավ
 Ու ասաց. «Ես ինչ դառավ,
 Դատարկ բան ե, յես իմ հոգիս.
 Վոր հիմարն ե սրան եսքան գին տալի,
 Ճիշտ վոր ասեմ, գարու հատիկն ինձ ավելի
 Պետք պիտի գար՝ թեկ ենքան չի շլացնի,
 կկշտացնի։
 Տգետներն ել՝ ինչից գլուխ չեն հանում,
 Դատարկ բան են անվանում։

Ա.ՂՎԵՌՆ ՈՒ ԽԱՂՈՂԸ


Հին առակ ե—
 Աղվեսի դունչը խաղողին
 Չհասավ, ասավ խակ ե։
 Սոված աղվես...

Մանի պարտեզ...
 Տեսնի խաղող՝
 Ո՞խ... արևկող
 Հակինթ ճիթեր
 Վերից կախ, կախ,
 Այ թե կուտեր.
 Աչքն եր տեսնում,
 Դունչ չեր հասնում,
 Եստեղ պուպուզ
 Ենտեղ կուկուզ,
 Ես վազի տակ,
 Են վազի մոտ,
 Վերջն՝ աչքե տես,
 Բերնե կարոտ.
 Խիստ սրտնեղած
 Յելավ գնաց
 Պարտեզից դուրս,
 Հետն ասելով
 — Մի խոսքով
 Լավ ե տեսքով...
 Բայց խակ ե, կանաչ ե,
 Ուտելու բան չե...
 Բերան տաս՝

Ատամհարինք կստանաս։

ԳԱՅԼԱԶՈՒԿՆ ՈՒ ԿԱՏՈՒՆ
 Փորձանք ե, յերք ձաշ ե յեփում կոշկակարը,
 Իսկ նրա տեղ կոշիկ կարում խոհարարը։

Ատամը մեծգայլաձուկը իր խելքով
 Մտքին դրեց զբաղվել արդեն կատվի արհեստով:
 Յես չգիտեմ, նա կատվին եր նախանձում,
 Թե ձուկ ուտելն եր իրեն խիստ ձանձրացնում,
 Միայն գիտեմ՝ խնդրեց կատվին,
 Վոր հետն իրեն վորսի տանի
 Ու պահեստում մկներ բռնի:
 «Բայց դու, հոգիս, ծանմթ ես եղ աշխատանքին,—
 Դայլաձկան կատուն ասաց,—
 Տես, սանամեր, քեզ խայտառակ շանես հանկարծ.
 Չուր չի ասել առածը հին՝
 «Ամեն մի գործ տուր վարպետին»:
 «Եհ, բանիդ կաց, սանահեր ջան, մոռկ ես ասել
 Աքերին ենք մենք վորսացել»:
 «Դե, շատ բարի, գնանք», — ասաց: Դարան մտան:
 Կատուն կուշտ-կուշտ կերավ ենքան,
 Ապա դնաց, վոր սանամոր քեփն իմանա:
 Գայլաձուկն ել վողջ եր հազիվ, բերանը բաց,
 Գետնին պառկած,
 Առնետներն ել կրծել եյին պոչը նրա:
 Տեսնելով, վոր գործը վեր ե նրա ուժից,
 Սանահերը խեղճին դցեց ջուրը նորից:
 Քո տեղն ե հենց, այ գայլաձուկ,
 Ես քեզ խրատ՝
 Խելոք լինես սրանից դեն
 Ու չգնաս մոռկ վորսալու»:



ԳԱՅԼԱԶՈՒԿԸ

Գանգատ տվին դատարանին, վոր լճակում
Գայլաձկան ձեռից չկա ճար ու պղծում,
Մեծ քանակով փաստեր կային:
Ինչպես հարկն եր՝ հանցավորին
Դատի բերին մի մեծ դաշտում,
Ներկայացրին դատողներին,
Վոր արածում եյին եղտեղ մոտիկ դաշտում:
Սակայն նրանց անունները հայտնի եյին:
Դրանք եյին՝ յերկու եշ,
Յերկու յաբու, և յերկու, թե յերեք այծ:
Իսկ փորպեսզի ամբողջ դատը լինի կարգին՝
Դատախազի գործը տվին մեր աղվեսին:
Բայց ամեն տեղ լուր կար համառ՝
Գայլաձուկը ձուկ ե բերում նրա համար:
Սակայն ճիշտ վոր անկեղծ եյին դատողները:
Են ել ասենք, վոր են ձկան արարքները
Չեր կարելի թագուն պահել ես անգամին:
Ել ճար չկար՝ հրաման տվին,
Վոր խայտառակ պատիժ տան են հանցավորին,—
Իբրև խրատ իսկույն հանել կախաղան:
«Մեծապատիվ դատավորներ,— աղվեսն ասաց,—
Քիչ ե կախել: Յես մի պատիժ տամ նրան,
Վոր յերբեք մեղ մոտ չի տեսնված,
Յեվ վոր խրատ լինի սաստիկ՝
Պետք ե գետում նրան խեղդել»:
— «Շատ գեղեցիկ»
Բղավեցին դատողները, վորոշեցին,
Գայլաձկան գետ զցեցին:

ԿԱՐԱՊԵ, ԽԵՑՊԵՏԻՆԸ ՅԵՎ ԳԱՅԼԱԶՈՒԿԸ

Ինչքան կուզեն՝ իրենց տանջեն,
Յերբ ընկերներն համերաշխ չեն
Ոգուտ չունեն բռնած գործից.
Այ, մի առակ կյանքի փորձից,
Թեև անցուկ,
Բայց վոչ մոռցուկ:

Մի կարապ, մի խեցգետին, մի գայլաձուկ
Բարձած սայլը տեղից քաշել ուզեցին
Յեվ յերեքով յեկան սայլին լծվեցին,
Ինչ են անում,
Ինչ չեն անում,

Սայլը տեղից հո չի շարժվում,—
Շատ թեթև ե բեռը թվում,
Բայց կարապը վեր ե թեռում
Խեցգետինը քաշում ե յետ.
Գայլաձուկն ել հո գեպի գետ.
Ո՞վ ե արդար, ով մեղավոր,
Մենք չդատենք: Բանն այն ե, վոր


Մինչև այսոր
Թե սայլ, թե բեռ
Նույն տեղն են դեռ:

ՄՈՒԿՆ ՈՒ ԱՌՆԵՏԸ

«Հարևանս, լսել ես դու բարի համբավ,—
Ներս վազելով մուկը ասաց առնետին,—
Առյուծն, ասին, ճանկն ե զցել մեր կատվին.
Ես անզամին մեր հանգստի ժամը հասավ»:
«Հոգիս, շատ մի ուրախացիր,—
Առնետն ասաց հարևանին,—
Դատարկ հույսեր մի ունեցիր:
Թե վոր գործը հասնի ճանկին,
Առյուծը վողջ հո չի մնա.
Կատվից ուժեղ գազան չկա»:
Շատ եմ տեսել, դուք ել զիտեք ետպես մի բան՝
Թե վախկոտը վախենում ե մեկից սաստիկ,
Կարծում ե, թե բոլոր մարդիկ
Իր աչքով են նայում նրան:

ԶՐԱԴԱՑՊԱՆԸ

Զուրը ծակեց ջրաղացի ամբարտակը,
Բայց սկզբում այնքան մեծ չեր եղ փորձանքը:
Պետք եր հոգ տանել
Ու անցըը փակել:
Բայց ինչ եք կարծում,
Մեր ջրաղացպանը չի ել մտածում,
Զուրն ել հոսում ե կարծես սափորից,
Ու քանդում անցըը, քանդում ե նորից:
«Ե՞լ ջրաղացպան, դե ուշք դարձրու,



Գործի անցիր, խելքի յեկ դու»:
 Զրաղացպանն ել ասում ե թե՝ «Են, տնաշեն,
 ինձ ծով ջրեր հարկավոր չեն,
 ինչքան գնա՝
 Բավականին ջուր կմնա»:
 Յեվ նա քնած ե, իսկ նրա բախտից
 Զուրը հոսում ե կարծես կարասից:
 Յեվ յեկավ ահա են փորձանքը մեծ՝
 Քարը կանգ առավ, ջրաղացը կանգնեց,
 Ու ջրաղացպանը վայ տվեց գլխին,
 Ուզում ե ջուրը հետ պահի կրկին.
 Յեկավ ու նայեց քանդվածը նորից,
 Տեսավ հավերը խմում են ջրից:
 «Անպիտաններ,—բղավեց նա, —հավեր հիմար,
 Առանց ձեզ ել ջուր չեմ ճարում յես ինձ համար,
 Յեղած ջուրն ել խմում եք ու պրծացնում»:
 Ու խփում ե նրանց եղտեղ պառկեցնում:—
 Իսկ զրանից վոչ մի ոգուտ այս մարդուն—
 Առանց հավի, առանց ջրի գնաց տուն:

ՀԵՏԱՔՐՔԻ ԸՆԿԵՐՈՒՄ

«Բարաջողնում: Վորտեղ եյիր, բարեկամ»:
 «Թանգարանում ման եմ յեկել յերեք ժամ»:
 Ենքան զարմանք բաներ տեսա ենտեղ յես,
 Վոր չեմ կարող, իսկապես,
 Տեսածներս պատմել քեզ:
 Հրաշքների դա մի տուն ե իսկական,

Են բոլորը կարծես խաղ ե ընության:
 Ել ինչ ձեփ գազաններ ու թոշուններ կան,
 ի՞նչ թիթեռներ ու բղեղներ—
 Բլոճ, պիծակ ու մժեղներ...
 Մեկը կարծես զմրուխտ լինի, մյուսը՝ մարջան:
 Զատիկներ կան այնքան մանրիկ,
 Գնդասեղի գլխից ել են նրանք փոքրիկ»:
 «Հը, փիղը վհնց եր, նրան ել տեսան,
 Յես կարծեմ՝ աչքիդ յերեվաց մի սար»:
 «Ենտեղ փիղ կամ»:—«Բա չկամ»:
 «Ներողություն, փիղն աչքուվս չնկավ»:

ԳԱՅԼՆ ՈՒ ԳԱՌԸ

Շոգին՝ մի զառ յեկավ առվից ջուր խմի,
 Բայց հանդիպեց փորձանքի՝
 Եղ մոտերքում սոված գայլը քաշ եր գալիս:
 Տեսավ զառին և ուզում եր վորս անի,
 Ապա գործին որինական ձև տալով
 Բղավեց նա—«Վհնց ես, լպիրշ, հանդգնում
 իմ ջուրը պարզ
 Պիղծ գնչովդ պղտորել,
 Մեջը խառնել տիղմ ու ավազ:
 Եղ վարմունքիդ համար ես,
 Գլուխդ կանեմ յերկու կես»:
 «Յեթե թույլ տա իմ տեր գայլը պայծառափայլ,
 Կհանդգնեմ զեկուցել, վոր մի հարյուր քայլ
 Դեպի ցած պայծառափայլությունից նորին»

Կանգնած եմ յես ջրի ափին,
 Յեվ զուր ենա բարեհաճում մեղադրել,
 Զուրն ի հարկե, չեմ ել կարող պղտորել»:
 «Յես, ուրեմն, սուտ եմ ասում:
 Ել եսպիսի հանգնություն կամ աշխարհում:
 Յես հիշում եմ, այ, անպիտան, են մյուս տարին
 Մի անգամ ել եստեղ դիպար դու իմ պատվին:
 Յես եղ բանը չեմ մոռացել, բարեկամ»:
 «Վողորմա ինձ, մի տարու ել դեռ չկամ»—
 Ասաց դառը—«Դե, հիշում եմ, յեղբայրդ ել»:
 «Յեղբայր շունեմ»—«Դե խնամիդ, քավորդ եր,
 Ու, մի խոսքով, մեկն ու մեկը քո ազգից:
 Հենց դուք լինեք, հովիվ լինի, կամ ել շուն,
 Միշտ իմ չարն եք կամենում,
 Յեվ կարենաք, դուք միշտ վսաս կտաք ինձ,
 Եղ մեղքերը կպահանջեմ քեզանից»:
 «Իմ մեղքն ինչ ե»—«Լոիր, լակհտ, հերիք լսեմ,
 Գործս պրծավ, վոր մեղքերդ մեկ-մեկ թվեմ.
 Քո մեղքն են ե, վոր սոված եմ, այ դու ցանցառ»:
 Ու խեղճ գառին նա քաշ տվեց տարավ անտառ...

ՍՏԱԽՈՎԸ

Հեռու տեղերից վերադառնալով
 Մի աղնվական (գուցե և իշխան)։
 Բարեկամի հետ դաշտում ման գալով,
 Գլխի յեկածն եր պատմում պարծանքով։
 Ճիշտ խոսքերին ստեր խառնում անսահման։



«ԶԵ,—ասում եր,—ինչ վոր տեսա
ել չեմ տեսնի յես իրոք,
ինչքան խղճուկ յերկիր ե սա՝
Մեկ շատ ցուրտ ե, մեկ ել շոգ,
Մեկ ամպամած, մեկ աըևոտ ու պայծառ:
Այ, իսկ ենտեղ մի դրախտ ե փառավոր,
վոր հիշում եմ՝ հոգիս ցնծում ե կայտառ—
վոչ քուրք ե պետք, վոչ ել մոմ ե հարկավոր,
Դար վոր անցնի՝ գիշերվա մութ չես տեսնի
Տարին բոլոր որն ե ժպտում մայիսի...
Ենտեղ վոչ վոք վոչ տնկում ե, վոչ ցանում,
Բայց վոր տեսնես՝ ինչ ե բուսնում ու հանում.
Այ, Հումումում, վարունդ տեսա, որինակ...

Տեր իմ աստված,
Մինչ հիմա ել աչքիս գեմն ե շարունակ:
Կհավատամաս: Սարի չափ եր անկասկած»:
«Այ քեզ հրաշք»,—ընկերն ասաց,—
Շատ հրաշքներ կան աշխարհում,
Բայց շատերը չեն նկատում:
Մենք ինքներս մոտենում ենք մի հրաշքի,
Վոր յես գիտեմ չի պատահել վոչ վորի,
Կհաստատեմ վոր սուտ չի:

Այ, նայիր զու մեր ես գետի կամըջին,
Ուր տանում ե մեր ուղին.
Թեև տեսքով նա կամուրջ ե մի չնչին,
Բայց հրաշալի մի հատկություն նա ունի՝
Ստախոսը սիրու չի անում, վոր անցնի—
Մինչև կեսը նա չհասած

Խորտակվում ե ու ընկնում ցած:
 Իսկ ով ստեր չի ասում, վոր ուղենա
 Թեկուզ կառքով կդնա»:
 «Իսկ եղ գետը խորն ե արդյոք և ինչքան»:
 «Դե, ծանծաղ չի նա ենքան:
 Տես, բարեկամ, ինչեր չկան աշխարհում:
 Են չումի վարունզն անշուշտ մեծ ե շատ,
 Մի սարի չափ եյիր, կարծես, դու ասում»...
 «Եհ, սար ել չե, բայց կլիներ մի տան չափ»:
 «Դե դու արի ու հավատա...
 Ասենք, ճիշտ ե, հրաշք ե դա.
 Իսկ կամմուրջը, վոր մենք կանցնենք վրայով,
 Ստախոսը վրան կանգնել չի կարող:
 Հենց ես զարուն յերկու գրող, դերձակը
 Զուրըն ընկան (զիտե ամբողջ քաղաքը):
 Քո վարունզը տան մեծության,
 Թե վոր ճիշտ ե, մի զարմանք ե իսկական»:
 «Եհ, ենքան ել մեծ բան չի,
 Իմացիր, վոր հրաշքներ կան շատ տարբեր՝
 Մեր եստեղի պալատների նման չի:
 Ի՞նչ տներ...
 Յերկու հոգի, են ել ստիպված, հազիվ մտնեն,
 Ու վոչ նատեն, վոչ կանգնեն»:
 «Եղալես լինի, բայց, ճիշտն ասած,
 Քո վարունզը մի հրաշք ե շտեսնված,
 Յերբ նրա մեջ տեղ են գտնում յերկուսով:
 Բայց զբաղվենք կամուրջով»

Դեռ մի հինգ քայլ ստախոսը առաջ չանցած
 Ընկնում ե ցած:
 Քո չումի են վարունզը, վոր ասիր»...
 Ստախոսը խոսքը կտրեց—«Դե, լոեր՝
 Լավ կլինի եղ կամըջից ձեռ վերցնենք
 Անցնելու տեղ վորոնենք»:

ՈԱՐՅԱԿԸ

Փոքրուց ինչ վոր սարյակիկ,
 Սովորել եր յերգել վորպես դեղձանիկ,
 Դեղձանիկ ել ծնվել եր հենց ինքը, կարծես,
 Զվարճացնում եր վող անտառը ձայնով պես-պես,
 Յեվ բոլորը գովում եյին սարյակին:
 Ես վիճակո շատ շատերին բախտ կթվար:
 Բայց նա լսեց, վոր գովում են սոխակին
 (Սարյակը շատ նախանձոտ եր դժբախտաբար).
 Մտածում ե—«Բարեկամներ, դուք դեռ կացեք,
 Հիմա ել յես
 Պիտի յերգեմ սոխակի պես»:
 Յեվ, իսկապես, զլեց մի յերգ,
 Ինչ վոր ուրիշ հանգով սակայն՝
 Մեկ ճստում ե, խոպտում,
 Մեկ մկկում ուլի նման,
 Կլկլացնում կոկորդում
 Կատվի նման մլավում,
 Ու մի խոսքով
 Նա իր յերգով

Փախսցրեց բոլոր թռչուններին:
 Ոգուտդ ի՞նչ ե, անգին սարյակ,
 Լավ ե յերգես հաջող, վորպես մի դեղձանիկ,
 Բան վատ յերգես իբրև սոխակ:

ԳԱՅԼԵ ՇՆԱՆՈՑՈՒՄ

Գայլը մի մութ գիշերով
 Մսահոտի քշվելով
 Հնկավ վոչ թե վոչխարանոց,
 Այլ շնանոց:

Հոտն առնելով չքոտի,
 Շնանոցը թր՛ռ վոտի
 Գայլ ու շներ կողք-կողքի,
 Բակը փոխվեց դժոխքի:

Վոռնոց, հաջոց, գոչ, գոչյուն...
 Պահակներն են զիլ կանչում.
 — Տղերք, գնդ... գող ե յեկեր
 Գոմի գուռը շուտ փակել.
 Զենք ու ճրադ...

Կարկլոտի պես ցած տեղացին
 Թուր, հրացան, բիր ու կացին.


Տրաք... տրաք.

Վառվեց ճրադ...

Դուռը բացին.

Հին դրացին՝

Գայլն անառակ



Մուայլ, մթին մեջքը պատին,
Մազ-մուզ բիզ-բիզ,
Անկեռ-հաստ վիզ.
Ատամները կրծըտացնում
Յեվ աչքերով սարսափեցնում
Իրա չորս դին,

Շըջապատին:
Այ, ինչն ե վատ—
Ինքը մի հատ,
Շները շատ:
Տեսնելով այդ՝
Խորամանկը,
Վոր փրկի կյանքը,
Բանակցության տուտը բացեց.
Յեվ այսպես նա խոսքն սկսեց.
— Յես յեկել եմ հաշտվելու, վոչ թե
կովի,

Սուտ ասողի լեզուն լովի.
Թշնամու դեմ իրար ձեռք տանք,
Հոտի համար մահ ու մեռ տանք:
Անցյան ե անց, անցուկ, մոռցուկ,
Յես թափելով անկեղծ արցունք՝
Զեղ տալիս եմ գայլի յերդում,
Վոր յես... «Հերիք, այ հարևան,—
Գլխվորսպետն ե խոսքն ընդհատում,—
Գլխիս կարդաս գայլ-շարական,
Ինչքան կուզես լեզու թափի,

Կաստամանով*) ինձ չես խաբի:
 Թե քո մաղը նոր չալել ե,
 Իմն հո արդեն սիպտակել ե,
 Յես լավ գիտեմ գայլի բնույթ.
 Յեվ ել ունեմ լավ սովորույթ.
 Գայլի մորթին դեռ չմաշկած
 Յես գայլի հետ չեմ հաշտված.
 Ասաց...

Գայլի վրա շները բաց...

ԽՈԶՆ ՈՒ ԱԳԻՍՎԸ

Մի գարավոր կաղնու տակ
 Խոզը ագահ ու անհագ
 Ենքան կաղին զխտվեց,
 Վոր ցած ընկավ ու փովեց.
 Զարթնեց քնից ու տակից
 Ծառը փորեց արմատից:
 —Ի՞նչ ես անում, այ անդետ,—
 Ագռամն ասավ վերևից.—
 Խաղ ես անում ծառի հետ,
 Կչորանա արևից:
 —Չորանում ե՝ չորանա,
 Ինձ ի՞նչ ոգուտ՝ զորանա.
 Միայն կաղին ունենամ,
 Ուտեմ, ուտեմ, գիրանամ:

*) Կաստաման—գայլի շարական:



—Այ ապերախտ կենդանի,
Ով քեզ նման վիզ ուսի՝
իր կույր աչքով չի տեսնի,
Վոր կաղինը հյութալի
Լոկ այս ծառն ե ձեզ տալի.—
Ագուավ ասավ խոզուկին՝
Են կախ գլուխ կուզիկին:

ՆԱՊԱՍՏԱԿԸ ՎՈՐՄԻՆ

Մի մեծ խմբով հավաքվեցին
Գաղանները՝ արջ վորսացին,
Ու, խեղղելով բաց դաշտում,
Իրար միջև բաժանում են են արջին:
Ամեն մեկը իր համար ե աշխատում,
Նապաստակն ել ձեռք ե զցում ականջին:
«Եյ դու շղիկ, —ասին նրան,—
Եղ վնրտեղից մեջ ընկար,
Դու մեր վորսին յերբ յեղար»:
Նապաստակը պատասխանեց. —«Ե, ախպեր ջան,
Բա անտառում յես չեցի, վոր վախեցրի
Ու դեպի դաշտ ուղիղ ձեր դեմ փախցրի
Ես խեղճ արջին»:
Նապաստակի պարծենալը պարզ եր ենքան,
Բայց դրանով նրանք ենպես զվարճացան,
Վոր մի կտոր են ականջից նրան տվին:

ԱՐԿՂԻԿԸ

Պատահում ե յերբեմն մեղ
Իմաստություն և աշխատանք տեսնել ենտեղ,
Ուր պետք ե, վոր գլխի ընկնել
Յեվ ուղղակի գործի անցնել:

Վարպետի մոտից բերին մի արկղիկ:
Իր տեսքով արկղիկն աշքի յեր ընկնում:
Նայում են բոլորն արկղին գեղեցիկ:
Հնարագետ մի մարդ սենյակ ե մտնում,
Նայում արկղիկին: —«Գաղտնիք ունի դա,—
Ասում ե իսկույն, —կողպեք ել չկա,
Իսկ յես կբացեմ, յես կասկած չունեմ,
Գաղտնիքը գիտեմ, իսկույն բաց կանեմ:
Հնարքներ շատ են ձեռքիցս գալիս»:
Ու արկղիկը վերցրեց ահա,
Շուռ ե տալիս չորս կողմի վրա,
Զոռ ե տալիս իրեն խելքին,
Մատր զնում մեկ ճարմանդին, մեկ ել մեխին:
Մարդիկ նայում աշքի տակով
Գլուխները թափ են տալիս կասկածանքով,
Ու փսփսում, ծիծաղում են քթի տակին,
Յեվ չորս կողմից հա դիպչում ե իր ականջին՝
«Չեղավ, դա չի»: Խեղճը դուրս ե գալիս կաշուց.
Քրտնեց, քրտնեց և վերջապես, հոգնեց արդեն,
Ու արկղիկից նա ձեռ քաշեց:
Իսկ արկղիկը բացվում եր հենց իրեն-իրեն:

ԱՂՎԵՍԸ

Յուրած ձմռանը, գյուղին մոտիկ, լուսածեզին,
 Մեր աղվեսը ջուր եր խմում սառցածակից:
 Մինչ այդ-բախտ եր, թե սխալանք (բանն եղ հո չի) —
 Աղվես ապոր պոչի ծայրից
 Մի քիչ թրջվեց, կպավ սառցին:
 Կարելի յեր գործը ուղղել, ցավը մեծ չեր,
 Մի քիչ ուժեղ ձգել պետք եր
 Ու կորցնել մեկ կամ յերկու տասնյակ մազեր,
 Ու մինչ մարդիկ վեր կկենան,
 Շուտ հավաքել փասա-փուսան:
 Բայց ես պոչը վոնց փշացնես՝ բրդոտ մի պոչ,
 Վոսկեվորիկ ու լայնափունջ:
 Պետք ե սպասել՝ ժողովուրդը դեռ կքնի —
 Մինչ այդ գուցե գոլը կընկնի,
 Պոչն ել ծակից դուրս կպրծնի:
 Սպասեց, սպասեց, պոչն ավելի սառչում ե դեռ:
 Տեսավ, ընը՝ որը բացվեց,
 Մարդիկ յելան, ու լսվում են հրեն ծայներ...
 Խեղճ աղվեսի լեղին պատռեց.
 Մեկ ընկավ դես, մեկ ընկավ դեն,
 Սառցածակից չի կարենում պոկվել արդեն:
 Նրա բախտից գայլն ե գալիս:
 «Իմ բարեկամ, սանահերս, այ սիրելիս, —



Կանչեց, — փրկի՞ր հասել ե իմ վերջն ահա»:
 Սանահերը կանգ առավ
 Ու աղվեսի փրկությունը հանձն առավ։
 Դրա համար մի պարզ միջոց ուներ նա,
 իսպառ կրծեց նրա պոչը արմատից,
 Ու առանց պոչ մեր հիմարը վազեց, գնաց,
 Յեվ ուրախ եր, վոր իր մորթին իրեն մնաց։
 Ինձ թվում ե միտքը պարզ ե ես առակի,
 Թե չափառանքը միքիչ պոկել մազն իր պոչի՝
 իր պոչից ել չեր զրկվի։

ՏՐԵՇԿԱՅԻ ԲԱՃԿՈՆԸ

Տրիշկայի բաճկոնն արմունկներում կտրտվեց,
 Ել շատ յերկար նա միտք չարեց։ Ասեղ վերցրեց
 Ու թևքերից քառորդի չափ կտրեց, կարեց
 Արմունկներին։ Բաճկոնն ելի նույնն ե, կարծէւ։
 Չեռքերն, ասենք, մի քառորդով մերկ մնացին։
 Դե ինչ կա վոր, լինի եսպես։
 Բայց բոլորը ձեռ են առնում մեր Տրիշկային։
 Տրիշկան ասաց. — «Հիմար չեմ յես,
 Ես ցավին ել կանեմ մի ճար»։
 Ու թևքերը նախկինից ել կլնեն յերկար»։
 Բաս, Տրիշկան հո պակաս մարդ չի՝
 Կտրեց քղանցքն ու փեշերը
 Ու նրանցով յերկարացրեց իր թևքերը։
 Յեվ ուրախ ե Տրիշկան ասատիկ,

Վոր ենպիսի մի բաճկոն ե հագնում հպարտ,
 Վորի հանդեալ կազմոլներն*) ել յերկար են շատ։
 Հենց նույն ձեռվ, յերբեմնակի տեսնում եմ յես՝
 Պարոններ կան, խճընում են գործերն եսպես,
 Հետո սարքում
 Ու Տրիշկայի բաճկոնով են միշտ զբոսնում։

*) Կամպուլ — կարճ վերնապեստ։

ՑԱՆԿ

1. Համերգ—փոխ.	Խնկո	ապեր	5
2. Գայլն ու կռունկը—փոխ.	Խնկո	ապեր	8
3. Կկուն և աքլորը—փոխ.	Խնկո	ապեր	10
4. Կապիկն ու ակնոցները—փոխ.	Խնկո	ապեր	13
5. Գալին ու կատուն—փոխ.	Խնկո	ապեր	14
6. Կապիկն ու հայելին—փոխ.	Խնկո	ապեր	16
7. Փիղն ու չնիկը—փոխ.			17
8. Ճպուռն ու մրջյունը—փոխ.	Խնկո	ապեր	18
9. Գորտն ու կովը—փոխ.	Խնկո	ապեր	21
10. Ազոամին ու աղվեսը—փոխ.	Խնկո	ապեր	23
11. Կատուն ու խոճարը—փոխ.	Խնկո	ապեր	36
12. Թաթուլի քալաճոշը—			29
13. Աքլորն ու մարգարտի հատիկը—			30
14. Աղվեսն ու խաղողը—փոխ.	Խնկո	ապեր	30
15. Գայլաձուկն ու կատուն—			31
16. Գայլաձուկը—			34
17. Կարապը, խեցգետինը և գայլաձուկը—փոխ.	Խնկո	ապեր	35
18. Մուկն ու առնետը—			36
19. Ջրադաշտանը—			36
20. Հետաքրքիրը—			38
21. Գալին ու գառը—			39
22. Ստախուը—			40
23. Սարյակը—			43
24. Գայլը շնանոցում—փոխ.	Խնկո	ապեր	44
25. Խոզն ու ազոամինը—փոխ.	Խնկո	ապեր	46
26. Նապաստակը վորսի—			84
27. Արկղիկը—			49
28. Աղվեսը—			50
29. Տրիշկայի բաճկոնը			52

04

Կազմեց Ա. Հայրյան
Տեխ. խմբագիր՝ Ստ. Ալթունյան
Արբադրիչ՝ Թ. Հովհակիմյան
Կոնտըռու արքագրիչ՝ Ս. Շահբաղյան

Քլավլիտի լիազոր՝ Ղ - 3603. Հրատ. 4507.
Պատգեր 191. Տիրու 3000.
Թուղթ 62×94. Տպագրական 3 $\frac{1}{2}$ մամ.
Մեկ մասուլու 24768 նշան.
Հեղինակային 1 $\frac{3}{4}$ մամ.
Հանձնված և արտադրության 20 գետրվարի 1938 թ.
Սարքագրիվ և տպագրության 28 մարտի 1938 թ.
Գինը 3 ռ. 50 կ.
Կազմը — 50 կ.

Գետրատի 1 տպարան, Յերեվան, Լենինի 65





ՀՀ Ազգային գրադարան



NL0395241

3868

